



ЛЕНИНЭНЬ КИЯВА

ВЛКСМ-нь Мордовской обкомонь ды Саранск ошонь комитетэнь газетаст

1941 ие
ФЕВРАЛЕНЬ
16-це чи
19 (1315) №

ЛИСИ: 11-це ие,
12 № ково

СЕДЕ ПОКШ МЕЛЬ КУЛЬТУРНО- ПОЛИТИЧЕСКОЙ РОБОТАНТЕНЬ

Течи печататано ВЛКСМ Мордовской обкомонь II-це пленумонь решениезо «Велесэ культурно-политической роботасонть комсомольской организациянтень участиядонть».

Пленумось кеместэ осудил се практиканть, зярд ко-кона велетнесэ ды мик целанек районтнесэ комсомольской организациянтень ды культурно-просветительной учрежденианть ды ронотнень ютксо арась кеме связь культурно-политической роботань ютавтомасонть, комсомольской организациянтень сеестэ клубтнень ды ловнома кудотнень лесксэнь максоманть ограничивают комсомольской собраниясо ды комитетсэ избачтнень ды клубонь заведующейтнень докладост кунсолomaso. Аравтыть избач или клубонь заведующей ды арсит, што весе тевесэ прядовсь, культурно политической роботасонть руководство обеспечен, ансяк эряви седе сеестэ кунсоллошномс те работникенть собраниясо ды комитетсэ.

Эряви чарькодемс, што сень туртов, штобу велесэнь парсте улелель аравтозь культурно политической роботась, эрявикс уровеньс кепедезь клубтнень ды ловнома кудотнень роботаст,—тень туртов эряви аволь ансяк избачтнень ды клубонь заведующейтнень роботаст, но весе активенть ды сехте пек комсомолецтнень.

Ловнома кудотнень должн улемс эсест активест. Кинь эйстэ пурнави те активесь? Васняк велень учительтнесэ, агрономтнесэ, землемертнесэ, гражданской войнань ды лия бойтнесэ участниктнесэ.

Сеестэ избачтне ды клубонь заведующейтне неняцит сень лангс, што овси аламо колхозникть сакшныть ловнома кудос ды клубс. Нама, те виде. Сын а молить се ловнома кудотнень, косо а ютавови сынт кис интересной работа, косо весе роботась ограничивается сеньсэ, што столангс путьт кавтошка ташто журналт ды киякска ойсезь ёвтнить ёвкт.

ВЛКСМ-нь обкомонь II-це пленумось обязал весе райкомтнень, штобу культурно - политической роботантень улезэ явозь покш мель, клубтнень ды ловнома кудотнень роботаст направить хозяйственно-политической задачатнень шкасто топавтомантень.

МОРДОВИЯНЬ ТРУДИЦЯТНЕ ДЫ ОД ЛОМАТНЕ ПРОИЗВОДСТВЕННОЙ ПОКШ ПОДЪЕМ МАРТО ВАСТЫЗЬ ВКП(б)-нь XVIII-це КОНФЕРЕНЦИЯНТЬ



Ксения Миронова — Мордовиясо 100 пондонь урожаень кис бороцямонть инициаторось. Сон роботы звеньевоекс Ромодановской районсо «Красный Коломенец» колхозсонть.

Фотось Ю. Володинь.

Тракторонь ремонтонть прядызь

Сынст обязательствэ зэть кадово чаво валокс. Авольтень кис сакшныть сынст Ичалковской МТС-нь трактористнэ. Обязательстватнень эсь лангс сазь, сын кармасть роботамо покш энтузиазма марто.

Большевиктнень Всесоюзной XVIII-це конференциянтень подаркакс Грачов ялганть тракторной бригадась обязательствасо сазь шкадонть икеле паро качества марто ремонтсто нолдась 3 трактор.

Трактортнэнь ремонтонть прядызе Захватов ялганть бригадаскак. Вадря результатт невтсь Керманов, Фадеев ды лия трактористнэ.

(«За социализм» Ичалковской районной газетастонть).

ТОПАВТЫТЬ ЭСЬ ОБЯЗАТЕЛЬСТВАТНЕНЬ

ВКП(б)-нь XVIII-це конференциянт лемсэ социалистической соревнованиянь ветязь, Ведняпинской вельсоветэнь Ленин лемсэ колхозонь колхозниктне успешно анокстыть тунда видемантень. Колхозниктне топавтть эсь лангс сазь обязательстватнень.

Организовазь постоянной 6 звенат, конат бороцить сень кис, штобу ней уш теес весе сень, мезе эряви покш урожаень саеманть туртов.

Вадря качества марто сортировазь сатышка видмьт. Сынст проверка невтизе, што всхожестест 100-процентной ды дружной.

Паксяв ливтезь 400 тонна навоз, 4 тонна минеральной удобрения. Велень хозяйствань инвентарсь ремонтировазь весе ды вадря качества марто.

Маринин, колхозонь председатель. Теньгушевской р-н.

Осиповонь бригадась роботы сех парсте

Партийной 18-це конференциянт лемсэ социалистической соревнованиянь ушодозь, Ичалковской маслосырзаводонь робочейтне ды служащейтне сайнест обязательства—кавто ко-вонь производственной заданиянт топавомс февраль 15-це чинть самс.

Робочейтне пек виевтэ бороцить сазь обязательстватнень топавтоманть кис. Январской заданиянт заводось топавтсь 296 процентс, а оень выработканть коряс—160 процентс. Февраль ковонть самс квартальной планось топавтось 80,7 процентс, сырэнть теаманть коряс—48 процентс; оень коряс—62,3 проц.

Васенце тарканть соревнованиясонть занize мастерэнт Осипов ялганть бригадасо. Те бригаданть показателензэ сехте вадрат.

Н. МАМОНОВ, Маслосырзаводонь технорук.

Васенцекс прядызь ремонтонть

С. Левкин ды Т. Игайки роботыть Косогор велесэ Буденный лемсэ колхозсонть кузнецекс.

ВКП(б)-нь XVIII-це конференциянт чествэ сын сайнест обязательства февраль 15-це чинть самс прядомс велень хозяйствань инвентарень ремонтонть.

Сын эрва чистэ выработкань нормаст топавтилизь 120 процентс. Обязательствань коряс аравтозь шкадонть икеле ды паро качества марто сын колхозсонть васенцекс прядызь плугтнень, сеялкатнень ды изамотнень ремонтонть, конат сынст максозельть ремонтс.

Г. Сунайкин. Б.Березниковской р-н.

СЛАВНОЙ КОМСЬ ИЕТЬ

Февраль 15-це чистэ топодсть СССР-нь НКВД-нь пограничной войскатнень XX иест. 62 тыща километр таргавсь минек великой социалистической родинанть границазо. Виртнесэ ды болотатнесэ, лейтнесэ ды морятнесэ, горной вершинатнень ды перевалтнень ютксо, тундрасо ды песоктнесэ кеместэ ванстыть пограничниктне советской моданть. Чить ды веть, пси шкастоак ды якшамо шкастоак лиснить пограничной нарядтнэ эсест заставатнень участкатнес ды топавтть боевой задачат СССР-нь государственной границатнень ванстоманть коряс.

СССР-нь НКВД-нь пограничной войскатне аштит минек масторонь вооруженной вийтнень составной пельксэкс. Якстере Армиянь сехте вадря боевой частне путьт ушодкс пограничной войскатнень формированиямонть. Свято ванстыть Якстере Амиянь неть частнень славной традицияст пограничной войскань боецтнэ, командиртнэ ды политической работниктне.

1921 иень январень 19-це чистэ В. И. Ленин подписал Трудонь ды Оборонань Советэнь постановлениянт ВЧК-нь войскатнеде, конаньсэ ёвтазель:

«ВЧК-нь войскатнень лангс, сынст лангсо аштица обязаностнеде башка, путомс РСФСР-нь границатнень ванстоманть.»

ВЧК-нь пограничной войскатнень окончательной оформления прядовсь 1921 иень февраль 15-це чинтень. Те

чистэнт Ф. Э. Дзержинский кемекстась ВЧК-нь войскань частненень инструкция границань ванстоманть коряс.

20 иетнень перть пограничной войскатне ютасть славной боевой ки. Исключительной мужества, героизма ды доблесть проявили сын социалистической государствань врагтнень каршо, противникенъ регулярной частнень каршо, бойтнесэ, кона врагтне снартнест ютавомс тевэ эсест захватнической планост. Проявленной

мужестванть кис пограничной войскань 18 боецнэнь, командирнэнь ды политической работникнень максозь Советской Союзонь Героонь лем.

Февраль 15-це чистэ, XVIII-це Всесоюзной партийной конференциянт паяжомань чистэнзэ, государственной границатнень ванстомо лиссть пограничной войскань сехте вадря ломатне—XX иень юбилеент лемсэ социалистической соревнованиянь победительтне. (ТАСС).



Н-ской заставань пограничникть ютыть эсь участкст (СССР-нь Северо-западной граница).

Фотось Арнаутовонь (ТАСС).

Велесэ культурно-политической роботасонть комсомольской организациятнень участиядост

ВЛКСМ-нь Мордовской обкомонь секретаренть Сазанов ялганть докладонзо коряс ВЛКСМ-нь Мордовской областной комитетэнь II-це пленумонть постановлениязо

Трудицятнень коммунистической воспитаниядонть ВКП(б)-нь XVIII-це съездэнь решениянзо топавтоз, велень комсомольской ламо организацият кармасть примам актив-ной участия культурно-политической роботань велямосонть ды максеме практической леске клубтнень, ловнома кудотнень, библиотекатнень сынет эрва чинь деятельностьсэ (Ичалковской районсо Кергуды велесэ, Лямбирской районсо Пензятка велесэ ды лиясо).

Теке марто ве шкане ВЛКСМ-нь обкомонь пленумось тешксты, што велесэ культурно-политической роботань ютавтоманть коряс комсомольской организациятнень роботасот улит покш асатыкт.

ВЛКСМ-нь ламо райкомт ды велень комсомольской организацият аштит велесэ культурно-политической роботань велямонть эйстэ ве ёно, а лездьт клубтнень, ловнома кудотнень, велень библиотекатнень сынет роботасот ды а ветить бороцям од ломатнень развлечениянь уродливой формань (пьянка, хулиганства ды лият) фактнень каршо.

Сех ламо политико-просветительной учрежденияне роботыть аволь удовлетворительна: оборудовань беряньстэ, сынет а ушнить (Чамзинской районсо Альзинской ловнома кудось, Ардатовской районсо Четвериковской ловнома кудось, Игнатовской районсо Барахмановской ловнома кудось ды лиясо). Ловнома кудонь, клубонь заведующеекс сеетсь кочксекшнить случайной ломать, конат не обеспечивають неть учреждениянень икеле аштица задацятнень топавтоманть.

Клубтнень, ловнома кудотнень роботанень велень интеллигенциясь привлекается лавшосто, аволь удовлетворительнойстэ аравтоз антирелигиозной ды агротехнической пропагандасы.

Посиделкатне, конат улит республикань велетнесэ, лаомонь таркава кадозь чуждой ломатнень влияния алов, конат развращають од ломатнень (Темниковасо, Теньгушевасо, Дубенкасо), комсомольской организациятне жо аштит ве ёно од ломатнень оймсемаст организавомонть эйстэ, весе эсест массовой роботаст ветить несоюзной од ломатнень эйстэ изолированно, а теить сень, штобу посиделкатнесэ организавом од ломатнень ютксо культурной робота ды овси а видестэ бажить посиделкатнень ликвидировамс административно, теке жо шкане а тейнить условият од ломатнень культурной оймсемаст туртов.

Ламо райкомт ды велень комсомольской организацият а ветить бороцям велесэ культуранть кис, комсомолетнень ды од ломатнень а тонавтыть роботасо, бытсэ культуранть, не прививають эйзест общественной имуществанть ванстомань чувства.

Пленумось тешксты, што ВЛКСМ-нь райкомтнесэ культурно-массовой комиссиатне те

культурно-массовой роботань велямосонть алкуксонь руководителекс ды инициаторокс ды бути ветитькак кодамояк робота, то ансяк культурань районной кудотнесэ.

ВЛКСМ-нь обкомонь пленумось постановляет:

1. Ловомс велесэ комсомольской организациятнень важнейшей задачке од ломатнень ды весе населениянть ютксо культурно-политической роботань велямонть ды клубтнень, ловнома кудотнень, библиотекатнень ды якстере уголоктнень сынет деятельностьсэ практической лескесэ максоманть.

2. Кармавомс ВЛКСМ-нь райкомтнень ды первичной комсомольской организациятнень 1941 иень марто 15-це чинть самс проверямс, кода моли «политпросветучреждениянень роботадост» ВКП(б)-нь Мордовской обкомонь бюронть ды МАССР-нь СНК-нть 1940 иень ноябрынь 5-це чинь постановлениянть топавтомазо ды вейсэ народной образованиянть органдань марто теомс эрва ловнома кудосонть, клубосонть, библиотекасонт образцовый порядок ды аравтомс эрва чинь робота, вадралгавтомс сынет эйсэ самостоятельной (драматической, хоровой, музыкальной, стаомонь-викшнемань ды лия) кружоктнень роботаст, таргамс сынет эйсэ активной участиянень несоюзной од ломатнень.

3. Кармавомс райкомтнень ды велень комсомольской организациятнень велямс решительной бороцям посиделкасо од ломатнень лангс чуждой влияниянть каршо ды од ломатнень развлечениянть уродливой форматнень каршо. Саемс посиделкатнень комсомольской эсэ влияния алов. Посиделкатнесэ ютавнемс массово-политической робота ды од ломатнень организовамс разумной, культурной развлеченияс.

4. Кармавомс весе райкомтнень ды велень комсомольской организациятнень велямс бороцям велесэ культуранть кис. Комсомолетнень мобилизовамс лисматнень урядом, водоемонь теоме, улицыс чувтонь путнеме (улицатнень озеленения), велень советонь, колхозонь правлениянть помещениянень, колхозникенъ квартиранень культурнойс теоме. Тонавтомс комсомолетнень ды од ломатнень роботасо ды бытсэ культуранть, привить эйзест истяжо общественной имуществанть ванстомань чувства.

5. Неграмотностень ды малограмотностень ликвидациянть коряс комсомольской организациятнень аволь удовлетворительной роботаст тешкстэ, пленумось веши комсомольской весе организациятнень пельде большевистской робота «Неграмотностень ды малограмотностень ликвидациясонт Мордовиянъ комсомолетнень участиядост» ВЛКСМ-нь ЦК-нть решениянзо топавтоманть коряс. Лездамс народной образованиянть органдань те шкас неучтенной неграмотнойнень ды малограмотнойнень выявлениясонт, сех лек подросткатнень ютксо, добовам сень,

штобу весе неграмотнойне ды малограмотнойне кармавольт улеме таргаз тонавнемс.

6. Меремс ВЛКСМ-нь весе райкомтнень вейсэ райотнень марто, Игнатовской райононь партийной ды комсомольской организациятнень примерэст коряс, разработать конкретной мероприятият колхозной активень школатнень развертываниянть коряс, таргамс неть школатнесэ тонавнемс од ломатнень.

Ютавнемс клубтнесэ, ловнома кудотнесэ агрозоотехнической темань коряс лекцият, докладт, привлекать те роботанть специалистт ды велень хозяйствань передовикт.

7. Сень тешкстэ, што велень интеллигенциясь овси аволь удовлетворительнойстэ таргаз общественной роботас, кармавомс ВЛКСМ-нь райкомтнень ды первичной комсомольской организациань секретартнень ютавнемс весе политикомассовой роботанть колхозной активень, учительстванть ды велень лия интеллигенциянть марто кеме связсэ, сыненст систематически поручать ютавнемс докладт, беседат, лекцият эрва кодам темань коряс, конатне интересують од ломатнень.

8. Кармавомс райкомтнень, культурно-массовой комиссиатнень ды весе первичной комсомольской организациятнень покш мель явомс населениянть ды од ломатнень ютксо антирелигиозной роботанть лангс. Систематически ютавнемс лекцият ды докладт антирелигиозной темань коряс ды максеме эрва кодам леске Воинствующей Безбожникинъ Союзтнень роботанть.

9. МАССР-нь Совнаркомсо Кинофикациянъ Управлениянть икелев аравтомс вопрос велень киносетенть ды кинопередвижатнень роботаст вадралгавтоманть. Шнамс сень, штобу велесэ киносеансонь ушодовоманть икеле ютавнемс нурька беседат картинатнень содержаниядост, беседатнень ютавтиеманть туртов использовать

велень интеллигенциянть.

10. Меремс райкомтнень, культурно-массовой комиссиатнень ды весе комсомольской организациятнень вадралгавтомс населениянть ютксо агитационной роботанть, весе вниманиянть направлять сенень, штобу од ломатнень воспитать советской патриотизмань, родинанть вечкемань духсо, Ленинэнь—Сталинэнь партиятнень, советской государственнень вечкемань духсо.

11. Обратить МАССР-нь Наркомпросонт вниманиянзо сень лангс, што народной образованиянъ районной отделнэ аволь удовлетворительно руко-водять велень клубтнень, ловнома кудотнень эйсэ, беряньстэ аравтоз избачтнень деловой ды политической квалификацият кепедемасэ ды сеетсьстэ полавтневить политико-просветительной учреждениянъ роботниктне.

Меремс ВЛКСМ-нь райкомтнень лездамс народной образованиянъ отделнэнь комплектовамс клубтнень, ловнома кудотнень сех вадр ломаньсэ ды примамс мерат роботасо сынет закреплениянть.

Кармавомс ВЛКСМ-нь обкомсо пропаганданъ отделэнь вейсэ МАССР-нь Наркомпросонт марто 1941 иень марто 1-це чинть самс теомс клубтнень, ловнома кудотнень роботанъ примерной план, сонзэ эйсэ обеспечить весе политпросветучреждениянть.

12. Райкомтне, культурно-массовой комиссиатне ды весе первичной комсомольской организациятне должны добовамс сень, штобу клубтнень, ловнома кудотнень, библиотекатнень, якстере уголоктнень весе роботаст улевель васная направленной хозяйственно-политической задацятнень успешнойстэ топавтоманть, населениянть эйс общественной имуществанть бережливой отношениянъ чувстванъ воспитаниянть ды колхозной строенть икелепелев седеак лек кемекстамонть кис бороцятмонть.

Политпросветэнь роботникень кустовой совещания

Февралень 6-це чистэ Шугурова велень ловнома кудосонт ульнесэ ютавтоз политпросветэнь роботниктнень марто кустовой совещания, косо РОНО-нь представителесэ Тюкин ялгасэ тейнесэ доклад международнои положениядонть ды колхозной клубтнень ды

ловнома кудотнень задацятне до.

Совещаниянъ участниктне ёвтнесь роботанъ эсь опытэст.

В. Аношкин,
Н. Пивкин.

Б.-Березниковской р-н.

Тонавтиятнень ютксо оборонной роботасы

Якстере Армиянъ XXIII-це годовщинанъ чинть Козловской педучилищанъ тонавтиятне вастыть военно-физкультурной роботанъ седеак пек виевгавтоз. Осоавиахимень первичной организациясь вети эрва чинь робота значкстэнь анокстамонть коряс. Те тонавнемс нестэнь Осоавиахимень 110 член максызь норматнень ПВХО-нь значо-

конт лангс ды 25 член—ГСО-нь значоконт лангс.

Ней роботыть пулеметчикенъ кружок, санитарной, самозащитанъ ды лия группат.

Призывниктнень марто ютавтивить башка занятия, косо сымь тонавтиить леднеме ды знакомять военно-тактической подготавканть марто.

С. Кузнецов.
Козловской район.

Тонавтиятнень ютксо воспитательной роботасы

Пакся Тава велень неполной средней школанъ комсомольской организациясь мелесь шкастонт серьезнойстэ кудасэ аволь союзной од ломатнень — тонавтиятнень ютксо культурно-воспитательной роботань велямонть.

Комсомолетнэ ютавтиить беседат международнои положениядонть, Европасо ды Африкасо военной действияннеде.

ВЛКСМ-нь комитетэнь секретаресэ Зорькин ялгасэ ды сех активной, грамотной комсомолетнэ толковить отличниктнень ВЛКСМ-нь уставонть ды программанть, сех парсте тонавтиятнень анокстать комсомолс совамо. Комсомолонъ рядтнес совамо парсте анокстэз Бавкайкин, Петров ды Антипкин ялгатне.

Б. Платонов.
Кочкуровской район.

Якшамо ды чопода

Од ломатне сыргаст ловнома кудов. Чоп сынь роботаст колхозной эрва кодам роботасо. Ловнома кудов саст сень кис, штобу культурно оймсеме, ловномс книгат, газетат, налксемс пашкасо, шахматсо.

Но вана ансяк кармасть совамо—кой-кить нолаштэ ды прасть. Тозонь, кенкшенть икелев, теовсь эй, конань ланга ламот уш пракшность. Порядякшность сонькак избачось Макалкин ялгасэ, ансяк мезеяк эзэ тее сень туртов, штобу ээнт керсемс тосто ды урядамс...

Совасть од ломатне ловнома кудотнень—тосо якшамо, сонзэ овси а ушнить. Ловномс, налксемс шахматсо—чопода, тол арасэ. Чийнесэ избачось вельсоветэв керосин мельга, эзть максо. Савсь весенень мексэв тукшномс кудов.

Ды те иста эрси малав эрва чистэ Покш Маризь велень ловнома кудосонт.

Б. Петров.
Чамзинской р-н.

Добровольной спортивной общества

Ардатово. Сталин лемсэ колхозонт колхозниктнень инициативаст коряс организоваз добровольной спортивной общества, конаньсэ занимаються 18 од ломань. Сынет ютксо: колхозонь сех паро стахановкасэ звеньевосэ Надя Егорова, комсомолетнэ Гришин, Курылев, Мохова ялгатне ды лият.

А чарькодеви ансяк, мекс ве ёно те замечательной починанть эйстэ кадовсь колхозонь комсомольской организацианъ секретаресэ Бударков ялгасэ.

Ней спортивной обществанъ члентнэ ветить анокстамонть покш робота внутриколхозной лыжной соревнованиянть ютавтоманть.

И. Антонов.
Ардатовской р-н.

КОМСОМОЛЬСКОЙ ЛЫЖНОЙ КРОССОСЬ ПРЯДОВИ ФЕВРАЛЕНЬ 23-це ЧИСТЭ ЭРЬВА КОМСОМОЛЕЦЭСЬ УЛЕЗЭ КРОССОНЬ УЧАСТНИКЕС!

„МОН ЮТАВТЫНЬ БАЛАНС...“



«Учитель» спортивной обществань членэс пединститутонь студенткась Юлия Черницова кырактни соксес.

Фотсь А. Кочинэнь.

Кроссонь васень чистэнтъ

Февралень 9-це чистэ Дубён-ской районнь комсомолецтнэ патристическый покш подъем марто ушодызе Якстере Армиянь XXIII-це годовщианть лемсэ комсомольской лыжной кроссонть.

... Дружнасто, моро марто вейке-вайке мельга молить сборной пунктонтень Молотов лемсэ колхозонь комсомолецтнэ командатне, конатнесэ лововить 46 ломань. Сынт дистанцияст—25 километра.

25 километрань дистанция походсонть вадра результатт невтеть Е. Кузнецов, А. Картаев, П. Потехин комсомолецтнэ. Сынь ютызе те расстояниянь 3 часос 30 минутас.

Васенце тарканть 15 километрань ютамсто занисе Денисова ялганть командазо (Петровской НСП), омбоцэнтъ—Жаркова ялганть командазо (Поводимовской НСП), колмоцэнтъ—Синельниковань командазо (редакция).

25 километрань дистанциясонть васенце тарканть саизе Кузнецовонь командас (райфо), омбоцэнтъ—Потехинань командас («Большевик» колхоз), колмоцэнтъ—Липатовонь командас (Молотов лемсэ колхоз).

Соревнованиянь васенце чистэ невтисе комсомолецтнэ покш мелест овладеть физической культурасонть, лыжной спортонть. Кроссось од ломатнен туртов теесь патриотизмань яркой демонстрациякс, большевистской партиянь перька комсомолонь сплоченностень демонстрациякс.

Но эрви тешкстамс, што кой-кона комсомольской организациятне ды сынт секретартне аламо мель явсть кроссонть комсомолецтнэ аноктанонтень. Истямокс лововить райфонь комсомольской организациясь (секретарес Святкина), свиновхозонсес (секретарес Леонидов) ды лият.

36 П. РУССКИН, комсомольской кроссонть ютавтоманзо коряс судейской коллегиянь секретарь.

Чинь повесткасонтъ: «Кроссонть хлебокомбинатонь комсомолецтнэ аноктаномсь».

— Макстано вал комсомолонь комитетэнь членэнтень Мельников ялганть, — мерсь собраниянь председателес. — Давай кортак.

Мельников козиктась ды састыне эськелязь молись трибунантень.

— ... Минек организациясонть 22 комсомолец. Соксон 13 пара. Кавто парат синтревсть. Якамонь туртов маштовить 6—7 парат. Медосмотр ютасть 5 лomat.

Докладчикесь арсесь ёвтамо еще мезе-бути, но сонзэ кунсолыця кевкстисе:

— Мекс аволь весе ютызе медосмотранть?

Мельников эзь содак мезе отвечае, талакадсь. Аламос арсемадо мейле мерсь:

— Вете лomat ютызе. Мекс аволь весе—а содан... Мон прядыя...

Седе тов докладось молись вопрос ланге отвечамо.

— Командат организоваз?

— Кажется ули.

— Ки командиресь?

— Шапошников. Кортак, Шапошников тон, — пшкадсь докладчикесь залсо меельс стулонть лангсо аштиця комсомолецтнэ. Се отвечае:

— Мезе мон ёвтан... Кода-

як а пурнавить тренировкак ветьямо.

Те ульнесь февралень 6-це чистэ. Можно ульнесь учнемс, што те организациясь витьсы теветь теде мейле куроко. Но ютась еще кемень чить, а сдвиг те теветь а неяви.

Ульнесь весть лыжной вылазка аэроklubонь аэродромс, теяк аволь удачна. Ялго молемань командас ловови аняк конёв лангсо. Вейкеяк поход еще эзь тейне. Дагаева комсомолкась, кона сёрмадоз пешей командас, натой а соды, кие команданть командирезь.

Нама, лият а мезь ульнесь учнемскак, бути комсомолонь комитетэнь секретарес сонсь вестькак эзь чалгакшно сокс лангс.

Зярдо секретаренть Егоров ялганть кевкстись: мекс арасель работа Якстере Армиянь XXIII-це годовщианть лемсэ лыжной кроссонть аноктаномть коряс?—Сон отвечае:

— Мон ютавтынь контора-сонть баланс. Проморгали...

Эрви содамс, што лыжной спортось аволь нурыка шкань кампания. Те — комсомолонть эрвачинь те. Секс сень лангс, што «проморгали» соревнованиянтень, — лоткамс а эрви.

К. Демин.

Саранск оп.

Витемс ильведевкстнэнь

Комсомольской лыжной кроссонть зяро-бути чиде икеле ВЛКСМ-нь Ардатовской райкомось получась первичной организациянтень пельде заявкат, конатнесэ сынэ знялдсть седе, штобу поддальз кроссонть эйэс участиянтень. Неть заявкатнень коряс лововить 195 комсомолец, конат бажасть примаме участия кроссонть эйэс.

...Часонь стрелкатне невтить, што шка уп максомс старт. — Косот жо лomatне?—кевкстни Д. Антонов.

— Эзьт са, якшамо...—отвечи Пронин. — Ды арази можна истямо буряне? Паряк, кадсынек лия чистэ?

Истямо кортнема можна ульнесь марямс райкомонь роботниктнэ пельде.

Сборной пунктс пурнавь 195 ломанень таркас аняк 53 ломань. Овси эзьт са Ардатовской неполной средней школань комсомолецтнэ (секретарес Власова ялгас). Стартонтень листь аняк 25 лыжник средней школань комсомольской организациянтень (секретарес Юрлов ялгас).

Мекс жо истя аламо листь, ведь сынэ макснесть заявка 70 ломань? Причинась вейке—пельсть ловдонть.

А вана райкомонь бюронь членэс Мосин ялгас сыргась дистанциянт ютамо ды сексе жо арсезевсь: «А седе вадра ли ули, бути оргодемс кудов». Ды сон истя тейськак.

Нельзя меремс, што Ардатовской комсомолентнэ весе Мосинэнь кондят. Лиятне невтисе, што сокссо можна ды эрви якамс эрва кодамо погодане. Средней школань лыжикесь Шувалов ялгас 10 километратнень средне-пересеченой

таркава ютынзе 45 мин. 24 секундас.

Омбоце тарканть занисе Павлов ялгас (вельхозтехникум). Сон те дистанциянт ютызе 47 мин. 40 секундас, Семин (педучилища)—51 мин. 20 сек.

Якстере Армиянь XXIII-це годовщианть лемсэ комсомольской лыжной кроссось прядови февралень 23-це чистэнтъ. Неть читнень перть комсомолецтнэнь эрви весе виенть путомс сенень, штобу кроссонть ютавтоме организовавно, витемс ильведевкстнэнь, конат теельть васень читнестэ.

И. Антонов.

Ардатовской р-н.



Константин Калязин—«Спартак» спортивной обществань член, Мордовиясо юношатнень ютксо льготной соревнованиянтнесэ саизе васень тарканть.

Фотсь Ю. Володинэнь.

Лермонтовской читненень

М. Ю. ЛЕРМОНТОВ

Беглец

Гарун чинь ланде бойкасто, Орёлдо нумолокс чиниль. Оргодсь сон турема таркасто, Косо черкесэнь верь чудиль; Кавто лелянзо ды тетязо, Олячинь кис турезь,

маштовсть; Ды пильге алов эрванть прызо Душманонть вакс пуль потс ёртовсь. Верест чуди, веши кеж

пандомс, Гарун стувтызе виськсэнзэ; Винтовка, шашка сон эзь

кандо—Боень пси шкасто ёртынзе! Ды сон чинь!—Чизэ валгсь

алов, Потмур кужотне сувсо валовсть,

Кона ашолды теке лов. Пувась чилисемась экшесэ, Пустынянт вельксэс сэн

менельсэ Кепететсь сырнень коня ков!.. Сизесь, стомавсь,—чийсь пек

васолдо, Нартни чамастонзо веренть, Гарун ков валдсо пандтнэнь

алдо Содызе эсь родной веленть; Чийсь велес—кияк эссе нее...

Перть-пельга лomatне удость, Бойсэ раянвкс тензэ эзь

теевть, Сась шумбракс ськамонзэ кудов;

Ды саклас чийсь,—эзь пельть позордо,

Тосо палсь тол,—ульнесь азорось; Гарунонь сянгорды оймезэ,

Поровтонть трокс чалгась пильгезэ; Селим те, икелень ялгасо,

Сон эссе сода, кие сась; Сонзэ эйэс муцясь ормозо,

Сон эзем пряс куломо прась... «...А кадтанзат аллах ёмамо:

«Тонет сех валдо ангелт кадсь, «Тонь славань кис кармавтсь

ванстамо!» — «Мезе од ёвтат?—Селим

пшкадсь, Кепединзе сельме керензэ, Кемемань пачк цитнесть

сельмензэ!... Боецэсь стась меельсэ

вийсэнзэ, Куломсто налксезевсь верезэ. «Кавто чить туринек кежейстэ,

Маштызэ и братон, и тетянь. Кекшинь пустыняс врагтнэнь

эйстэ Ды, прок тандавтозь зверь,

чийн Куро юткова ды кев ланга, Секс пильгень весе верь потсо,

Мон молинь а содавикс янга, Вербгизэнь следт ульнесть

косо. Кулсиль черкестнэ—враг перть-пельга...

Примамак монь—умонь оям; Вана пророк! Мон карман

мельгат Мелаятозь якамо, ялгам!..» Ды тензэ кулыцясь кортась:

«Азё—тон сават аняк сюдомс, Аволь тонь марто ярсамс,

удомс; Труснэнь тарка кедьсэнь арась!..»

Гарунонь чамась ловкс ашолгадсь, Савсь кирдемс коронзо ялганть,

Виськсэнтэ эйстэ сон прок немойгадсь, Поровтонть трокс таго чалгась.

Ды лия саклиненъ ютызе, Аламо шкас лоткаевсь сон,

Икеле чинь ливтиця он Теке палсемасо эждизе

Гарунонь кельме конянзо, Ламбаскавтызе потмонзо; Неявсть вень чоподасонть

сельметь, Сынэ икелензэ сяткокс вельметь,—

Мазыйть ды чевтестэ пейдицят. Гарун арась: те монь вечкиця;

Улемс тень никс—сонзэ мелезэ, Совиксаль сон—марясь пилезэ

Моро, кона гайгсь горниповкс... Гарунонь чамась теевсь ловкс.

Прянтэ комавтызе эрязсто, Гарун эскели седе тов,

Ды покш, бутрав сельведь лиясто Сельмстензэ кевери прок пов...

Но вана бурядонть комавозь Родной кудост. Малас пачкодсь,

Кемемадонть таго оймавозь, Гарун вальма алов вачкодсь.

Тосо, паряк, молитват лембет Менельс кузить сонзэ кисэ;

Сыре авазо учи вень перть,— Учи а ськамонзо эйсэ!..

«Нолдамак! Сынэ верев таркасто, Гарун те. вишка пёрат мон;

Мон русетнэнь пуляст пачк шумбрасто Пачкодинь тетя!»—Ськамонт?

«Ськамонт!..» — А косо тетят, эйстэ? «Маштызэ!

Пророк баславинзе тенэ эйс, Ды ангелтнэ сынст оймест

саизь». — Кежентэ эйик пандо тон мейсь?

«Мон пандо пряс кепетинь налтокс Бадья мечем лиянь крайс.

Штоб эрямс вадрасто тонь марто, Оймавтомс седесть, авай!..»

— Чатьмонть! Чатьмонть! Шайтянонь пуло,

Эзить машт слава марто куломс, Так азё тук, эряк ськамнесть.

Тонь виськсэть эйсэ, азарсь пине, А нусмакавтынсь сыре иень,

Тон трус—авакс а улян тетя!.. Тенёсь прядовсь сёлномань

валось Ды весе перть-пельга удость. Аняк беглепэсь вальма ало

кудось. Кувать кувсесь, ознось, Ды меельсэ пелев сон лазызе

Кинжалсо эсь седеензэ. Ды валске авазо нейзе,

Но жалэ эзь маряво тензэ. Ды калмазырев эзизь кандо

Вискс рунгонть праведнойтнэнь юткс. Кадызь кежев кисканень

андомс, Кискась усикзе чинев лутке! Эйкакшт кулыцянь рунгонть

вельксэ Сёлност нулгодыкс теветнэ кис.

Бадовсь олячиде ёвктнэсэ Беглепэнь виськсэсэ течинь

чис...— Сонзэ ойместэ оргодсь эрейстэ,—

Пророконь сельмесь а нейсы. Нейтак Востоконь пандтнэнь

эйстэ Некшнить сулеензэ эйсэ. Ды вальма ало валске рана

Энялды саклас, нищей прок, Но зярдо мари стих

коранонь— Чинь таго сулейс туманонь,

Кода чийсь мечтнеде умок. Эрзякс сёрмадызе П. ЛЮБАЕВ

ФРАНЦ БАЖИ ЛИВТНЕМЕ

ГЕЗА КАШАИНЬ ЕВТНЕМАЗО

Франц лоткась витринанть икелев. Самай сень икелев, конань вакссо а весть уш аштектнесь. Сон кодак а туеви маластонзо. Кодат мазый, паро вешат тосо ульнесь! Эрьва кодамо налкумат, эрьва кодамо цветань. Ансяк Франц сынст ланге эзь вано. Сонзэ сельмензэ вансты конструкторонть ланге. Конструктордонть башка сон мезеяк а неиль.

Конструктор! Кшнинь! Палкнеть, винт, чарот... Весе нетненъ эйстэ можна тееме самолёт! Франц тень тееллизе бу. Бути а сатыть частне? Кодак сатовольть бу. Нать сон весть кода-бути эзь тее чувтонь самолёт? Весе ялганзо кортнесь, што теез сон пек вадрысто. Сонзэ можна улелель бу кучомс натой выставкав.

Кшнинь самолётось улелель бу чувтонседентькак мазый, конань тапизь полицейскойть, зярдо вешнесть тетянзэ кедьстэ листовкат ды сонзэ (тетянь) саизь мартоост.

Но мезе те? Эзть понго ли Францонь сельмс сорнать? Или левтнематненъ эйстэ сынъ те-евств истя сельведевкс. Сон нарынзе палыця, таргозевезь сельмензэ, сельведтненъ ёзыль ловтана, човине, нусманя, толкс палыця чамаванзо.

Тетязо ашти тюрмасо. Будапештской авиационной заводсонть сонзэ таркасо умок уш кармась улеме лия ломань. Авазо аштектнесь роботавомо...

— Карман ли мон зярдо ливтнеме алуксонь, покш самолётсо? Верьга, верьга. Тува, кува нармуть?

Франц варштась перть-пельга. Сон марясь моторонь зёрт. Ней ламо ливтнеть самолётт. Ды Венгрияояк... Ансяк сон, Франц Хорват, а ливтни. Сон еще пек вишкине. Сонензэ ансяк кемень иеть. Сон карми тонавтнеме народной школань ветеце классо. Но сави ли тензэ тонавтнеме седе тов. Авазо весть мерсь тензэ, што бути тетянзо нолдасыз тюрмасто, сестэ Франц карми тонавтнеме седе товгак. Ансяк кемематнеде пек аламо...

Франц жо пек бажы тонавтнеме, содаме ламо. Тентеме сонензэ зярдо а сави вецеме самолёт, мик сестаяк, зярдо касы покшосто. Вездь сон робочеень пёра! Пекстазь ломанень пёра!

Но косто маряви моторонь те зёртес? Франц тейсь зярдо-бути эськелькст. Истя седе неяви. Олот сон, аэропланось! Аволь вейкеяк, но кавто, колмо, ниле... Кода сынъ ливтнеть! Верьга. Седеяк верьга... Ды яла теке сынъ еще неавить... Или ансяк те истя кажется?

Самолётнэ ёматоцть пель эхкс...

Весть кирнявтозь Франц поводсь трамваень подножка ланге. Сельмензэ сонзэ цитордыль. Свал ловтана чамазо палозь палыль. Весе човинька рунгозо сорныль.

Истя сон ардсь ошонь садонть видсь, косо ульнесть нурсемат. Вездь нурсеме нурсемасо — те теvesь теке мерят самолётсо ливтнема. Сех пек сестэ, зярдо нурсят стядо. Вармась

токши чамазот, лийневтн череть, ды, зярдо ванат алов, неяви, будто тон кузить верев, верев. Нама, те ансяк нурсемат. Но бути арась алуксонь самолёт...

Нурсеманть кис эряви пандомс 30 филлер. 30 филлер — ламо ярмак. Францонь аванть сеетъста цела чис истян а эрситъ. Эсензэ Францонь арась вейкеяк филлерэзэ. Но сон не может туемс, алак нурсе.

Францонь мельс ледсь, што сонзэ зепсэнзэ ули бархатонь пачкск. Можна ютыпнъ пильгетэ нартнемс пуль. Ютницяненъ, секенъ вант, улить 30 филлерэст. Вездь урядакшны жо сон ботинкат, штобу рамамс кши. Мезеяк а ули, бути ней вачодояк кадови. Валске марто авазо макнесь тензэ кши сускомне. Сон аволь вачодо. Авазо жо а кежиявты, бути мари нурсематнеде. Сон, авась, пек вадры...

Ды вана 30 филлертнэ кедьсэнзэ. Франц мольсь нурсематненъ малав. Кода паро!

— Озак! Стядо иля нурсе. Марят, эйкакш!

Стяко пизни нурсематненъ азорось: Франц мезеяк а мари, мезеяк а ней. Веве! Седеяк верев!..

Модась тукшны пильгензэ алдо.

— Эйкакш! Састо седе! Эйкакш!..

Пижнемат, сееремат.

Франц ливти. Ливти алов.

— Сон маштов! Кундынк сонзэ!

Но Франц а мари. Сонензэ паро. Сон ливти...

Зярдо Францонь сась ёжо, сон фатясь, што ашти больницасо. Вакссонзо ульнесь строгой господин ашо халатсо.

— Панжыть тон зярдо сельметъ? — кежейстэ мерсь сон. — Кода тонъ леметь?

— Франц Хорват, — эль-эль марявикстэ мерсь пёрынесь.

— Кода истя синдик кирьгат, бездельник!

— Муинк сонзэ адресэнзэ, — мерсь халатсо господинсь сестрантень, — ды ёвтадо сонзэ тетянстень-аванстень, штобу сонзэ савелиз тестэ.

— Истямо состоянияс? — састо кевкстизе сестрась.

— Кадк аштектнись кудосо! Бути жо тетязо-авазо кармить пандомо питне, сестэ теск кадсынек.

Ды врачось тусь лия кровать ваксс.

Франц ульнесь псинть эйстэ якстерьгадозекс, сонзэ сельмензэ панжозельть. Сынъ ваныльть вейке таркав.

— Косо эри тонъ тетят, эйкакш? — кевкстизе сестрась, сонзэ черензэ састо вадяшквтнесь.

— А содан, — нусманясто мерсь Франц.

— А содат?

Сестрась путызе кедензэ сонзэ пси конянь ланге.

— Сон тюрмасо...

— Тюрмасо?.. Мезень кис?

— Листовкань... кис...

— А ават? Косо эри тонъ ават?

Францонь чамазо а мазылгадсь.

— Ной-Пешт-штрессе, 5.

Пёрынесь аварьгадсь. Мезе мери авазо! Сон ней зярдоак тензэ а мери нурсемасо нурсемс. Ды ливтнемеяк сон истя-жо, нать, зярдоак а карми...

Францонь вавотозо теевсь неподвижноекс. Коськез турванзо сорность.

«А кода монъ мелем ливтнеме!»

Сонзэ прызо састо чиремсь. Пёрынесь ёматызэ сознаниясзо.

Франц эль-эль содызе эсь аванзо. Сон пштитэ вансь лангозонзо ды месь-бути моткодсь.

— Кода ускомс сонзэ кудов? — ризназ авардсь пиштака авазо. Сельведтне чудесть сонзэ чамаванзо.

Зяро сон эзь знялдо главной врачонтень, сон эзизе кадо Францонь больницас.

... Кармась улеме чопода опаня ве, зярдо Франц таго понгсь подвалонтень, косо сон эрясь. Пёрынесь аштесть сельменъ конязъ ды састо кувсесь. О, бути бу тень неевлизе тетясь! Вастыть ли сынъ зярдоак таго? Кода пек сон кемиль пёранть лангс! Сон свал кортниль, што Франц карми тейнеме самолётт пек седе вадрыт сетнень коряс, кодат строякшнеть ней.

— О, бути бу саволь тетям!..

Зярдо пёрыненъ больницасто саизь кудов, сестрась мерсь, што эряви седе курок тердемс врач: саредианть теевсь потмосонзо кровоизлияния. Состояниязо пек серьезной, но пички, бути тердемс врач.

Шождыне меремс — тердемс врач! Мейсэ тензэ пандомс? Тетянь меедьце костюмозо уш путозь залогс. Лишний мебелись микшнесь.

Вейкине, мезе кадовсь, — те эсь теевть радиоаппаратось. Чить тетясь сонзэ кекшнлизе, а веть тарглизе салаван таркастонть ды весе кунсолыльть московской передачат. Тетясь сельмензэ ладсо ванастась эсь приемникентъ. Натой полицияськак обыскень теестэ эзизе муе.

Франц седеяк пек кармась кувсеме...

Сельведтне кольгезь кольгильть несчастной аванть пу-жозь чамаванзо.

— Авай... ав-вай!.. Ванта, авай, самолет!

Францонь велькска чарыль раужо покш карво.

А ёвтавияк кода тандадсь Францонь авазо. Сонзэ мельс ледсь маласост эриця вейке авань валт:

— Карвотне марить куломанть. Сынъ ливтнеть кулцятнень лангс...

— Больница! Седе курок больница в! — тандадоманть пачк талакадозь авась кирнявть таркастонзо. — Мезе бу аволь уле — мон ванетаса тонъ эрямот, Франц!

Но... медицинась ульнесь уш вийтеме. Вишкине Франц лоткась оймензэ тарксемато.

ГРАНИЦАНЬ ТОМБАЛЕ



Суэцкий каналось.

Фотось ТАСС-нь.

Кодамокс лови положениянть итальянской печатесь

«Пополо д'Италия» итальянской газетась «Фактнэ, кода сынъ аштить» статьясонзо невтн, што войнанть ушодовомсто Албаниясь, Ливиясь ды Абиссиниясь ульнесть исходной позициякс осень мастортнень наступлениянть туртов. Определенной шкасто неть пунктнэстэ итало-германской вийтне могли бу теемс сехте стака вачкодккс Англиянтень. Самай секс Англиясь бажы ликвидировамс неть пунктнэнь ёндо угрозыть, 1940 иень ноябryanь васень читнестэ саезь Англиясь бажась сенень, штобу ликвидировамс военной действиянь 4 театратнень — Албаниясо, Додеканезтнэс (Средиземной морясо остров), Ливиясо ды Абис-

синиясо. Албаниясо англо-греческой войскактнеикелев паштомадост мейле вастовств покш трудность марто. Неень шкастонть кавонест ёнкстнэ терайонсонть путыть военной покш усилият. Ливиясо англичантнень успехест, газетанть валонзо коряс, сатныть сынест аволь истя шождасто ды бойкасто, кода сынъ тень учость. Тедэ башка, Италиясь ды Германиясь ёвтась статьясонть, а нувсвить.

Сень невтнесь, што ансяк войнанть прыдомато мейле можна ули тееме итогт, газетась полады: «минь не недооцениваем врагонть успехензэ».

(ТАСС).

Заемс или арендас оружиянь максомато законопроектанть США-нь сенатсо толковамозо

Кода создаз, иностранной тевтнень коряс сенатской комиссиясь одобрил заемс или арендас американской оружиянь максомато законопроектанть. Ассошиэтед Пресс агентстванть сообщениязо коряс, законопроектась, конань одобрил иностранной тевтнень коряс сенатской комиссиясь, се законопроектанть кондымо жо, конань ютась недлястонть одобрил представительтнень палатась.

Агентствась пачти, што полициясь пансинзе эватнень, конат Вашингтонсо конгрессень зданиянть икеле тейсть заемс

или арендас оружиянь максомато законопроектанть каршо протестань демонстрация.

Кода пачти Ассошиэтед Пресс агентствась, США-со толковави вопрос Англияв американской эсминентнэнь дополнительной кучомадонть. Агентствась невтн, што Рузвельтань, США-нь морской министр Ноксонь ды Уилкинъ ютксо (президентэкс икелень кандидат) арасть кодаткак разногласия те вопросонть коряс.

(ТАСС).

Англиясо продовольствиянь чрезвычайной запасонь теемась

«Дейли геральд» английской газетась сёрмады, што Англиясо разрабатывается германской вторжениянь случайстень продовольствиясь населениянть обеспечениянть план. Весе мастоганть тейневить кода куроксто колича, истя жо а ко-

лиия продукатнень чрезвычайной запаст. Ответственной кругтнень валост коряс, те планось вторжениянь случайстень магазинтнэнь обеспечит сатышк основнои продовольствиясь.

(ТАСС).

Англо-турецкой военной переговортнень прядовомась

Рейтер агентстванть сообщениязо коряс, Анкарасо (Турция) ульнесь Англиянь представителтнень ды турецкой генеральной штабонь делегациянть ютксо заключительной

вастовома. Пачтитъ, што переговортнэ мольсть пек дружественной атмосферасо ды сынест результатнэнь кавонест ёнкстнэ ловить пек удовлетворительнойкс.

(ТАСС).

Ответственной редакторсь А. ЩЕГЛОВ.

Заказ № 854.

Редакциянть адресзэ: Саранск, Советская, 47. Дом Печати, 4-й этаж. Теле фон № 1—85.

Ю361.

Типография «Красный Октябрь».